

Nermin Purić

1. Pitanje postavljeno Predsjedništvu BiH – „Na osnovu čega je Predsjedništvo BiH donijelo odluku da neće imenovati mandataru za predsjedavajućeg Vijeća ministara BiH i u čemu je našlo uporište za stav da se neće uključivati u taj proces dok ne dobije čvrste garancije da kandidat za predsjedavajućeg Vijeća ministara BiH ima odgovarajuću podršku u Parlamentu, dakle na kojim propisima se to zasniva?“
2. Pitanje postavljeno Ministarstvu finansija i trezora BiH – „Dokle se došlo s pričom o Budžetu institucija BiH i međunarodnih obaveza BiH? Šta Ministarstvo preduzima kako bi se riješilo ovo pitanje i šta je osnova nerazumijevanja članova Fiskalnog vijeća BiH? Također, molim za pojašnjenje mogućeg modela finansiranja institucija i međunarodnih obaveza BiH u 2012. godini, ako ne dođe do usvajanja budžeta, a imajući u vidu to da smo u ovoj godini imali finansiranje na privremenoj osnovi. Predsjednik Vlade RS-a tvrdi da nema prepreka da se ono nastavi i u narednoj budžetskoj godini pa me zanima kakav je stav Ministarstva o tom pitanju.“
3. Urgencija za dostavu odgovora na ranije postavljena pitanja – „Molim uvaženo rukovodstvo Doma, budući da ne dobivamo odgovore na poslanička pitanja u predviđenom roku, da, ako je u prilici, pošalje urgenciju za ona pitanja koja sam uputio, a na koja još nije stigao odgovor.“
4. Inicijativa upućena Kolegiju Predstavničkog doma – „Ponukan dobivenim odgovorom na poslaničko pitanje o broju i stanju predmeta koji se na Evropskom sudu za ljudska prava u Strazburu vode protiv države BiH, upućujem inicijativu da Predstavnički dom Parlamentarne skupštine BiH, u roku ne dužem od 90 dana, obavi raspravu o stanju predmeta koji se protiv Bosne i Hercegovine vode na Evropskom sudu za ljudska prava u Strazburu. S tim u vezi predlažem da se zaduži Vijeće ministara BiH da, u roku ne dužem od 60 dana, pripremi cjelovitu informaciju o stanju predmeta koji se pred sudom u Strazburu vode protiv BiH s procjenom njihovih mogućih implikacija na Bosnu i Hercegovinu.“